

3 января, предпраздн РХ, святитель Петр Московский

ВЕЛИКАЯ ВЕЧЕРНЯ (СОКРАЩЕННАЯ)

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Аминь.

Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тых птицы небесныя привитают, от среды камня дадут глас. Напаяяй горы от превыспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокия еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взискати от Бога пищу себе. Возсия солнце и собращая и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отвэрзшу Тебе руку всяческая исполняются благи, отвращшу же Тебе лице, возмьются, отымеши дух их, и исчезнут, и в персть свою возвратятся. Послеши Духа Твоего, и сози-

3 января, предпраздн РХ, святитель Петр Московский

ждутся, и обновіши лицѣ землі. Буди слава Господня во веки, возвеселится Господь о делех Своих, призираяй на землю, и творяй ю трястися, прикасайся горам, и дымятся. Воспою Господеву в животѣ моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грѣшницы от землі, и беззаконницы, якоже не быти им. Благослови, душе моя, Господа.

Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже *(Трижды)*.

Ектения великая

Диакон: Миром Господу помолимся.

Лик: Господи, помилуй *(на каждое прошение)*.

Диакон: О свѣшнем мире и спасѣнии душ наших, Господу помолимся
и прошения по чину.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

Лик: Аминь.

Кафизма 1

Лик: Блажен муж, иже не иде на совет нечестивых.

Яко вѣсть Господь путь праведных, и путь нечестивых погибнет./ Аллилуиа, аллилуиа, аллилуиа, слава Тебе Боже.

Работайте Господеву со страхом, и радуйтесь Ему со трепетом./ Аллилуиа, аллилуиа, аллилуиа, слава Тебе Боже.

Блажени вси надеющиися Нань. Воскресни, Господи, спаси мя, Боже мой./ Аллилуиа, аллилуиа, аллилуиа, слава Тебе Боже.

3 января, предпраздн РХ, святитель Петр Московский

**Господне ёсть спасёние, и на лю́дех Твои́х благословёние Твоё./
Аллилу́иа, аллилу́иа, аллилу́иа, сла́ва Тебе́ Бо́же.**

**Сла́ва Отцу́ и Сы́ну и Свято́му Ду́ху, и ны́не и прісно, и во
вёки веко́в./ Ами́нь. Аллилу́иа, аллилу́иа, аллилу́иа, сла́ва Тебе́
Бо́же.**

Аллилу́иа, аллилу́иа, аллилу́иа, сла́ва Тебе́ Бо́же. (Трижды)

Ектенія малая

Диакон: Па́ки и па́ки, міром Го́споду помо́лимся.

Лик: Го́споди, помілуй.

Заступи́, спаси́, помілуй и сохрани́ нас, Бо́же, Твоею́ благода́тию.

Лик: Го́споди, помілуй.

Пресвяту́ю, Пречи́стую, Преблагословённую, Сла́вную Влады́чицу на́шу Богороди́цу и Присноде́ву Мари́ю со всі́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Я́ко Твоя́ держа́ва, и Твоё е́сть ца́рство, и си́ла, и сла́ва, Отца́ и Сы́на и Свята́го Ду́ха, ны́не, и прісно, и во вёки веко́в.

Лик: Ами́нь.

Стихиры на «Господи, воззвах»

Канонарх: Глас 4, Го́споди, воззва́х к Тебе́, услы́ши мя.

Го́споди, воззва́х к Тебе́, услы́ши мя./ Услы́ши мя, Го́споди.

**Го́споди, воззва́х к Тебе́, услы́ши мя:/ вонми́ гла́су моле́ния
моего́, / внемда́ воззва́ти ми к Тебе́.// Услы́ши мя, Го́споди.**

**Да испра́вится моли́тва моя́,/ я́ко кади́ло пред Тобо́ю,/ возде́
я́ние руку́ моёю/ – же́ртва вече́рняя.// Услы́ши мя, Го́споди.**

Предпразднство Рождества Христова на 3, глас 4

На 6, стих: А́ще беззако́ния на́зриши, Го́споди, Го́споди, кто постои́т? /

Я́ко у Тебе́ очище́ние е́сть.

Предпразднственныя пѣсни/ мѣсли правостию/ Христова Рождества предвозгласим:/ Отцу бо и Духу/ сый равночестен,/ за милосердие в наше оболкся смешение,/ хощет родитися в Вифлееме;/ Егоже Рождество несказанное// пастьере со Ангелы воспѣша.

Стих: Имене ради Твоего потерпѣх Тя, Господи, потерпѣ душа моя в слово Твое /

упова душа моя на Господа.

В кимвалех возгласим,/ в пѣснях воскликнем:/ Христово явление показася,/ пророческая проповѣдания конец прияша./ Егоже бо прорекѣша/ плотию человеком явитися,/ раждается во святем вертепе,/ и в яслех возлегает яко Отроча,// и пеленами повивается яко Младенец.

На 4, стих: От стражи утренния до нощи, от стражи утренния, /

да уповает Израиль на Господа.

Вифлееме, уготовися,/ Едеме, ныне отверзися:/ родити Всесвятая идет./ Небеса да веселятся,/ да играют человецы,/ в яслех Жизнь, в вертепе Богатый,/ приходит множества ради милости,/ нищету Адамову восприим,// кроме предложения и смешения.

свт. Петра, митрополита Московскаго, всея Руси чудотворца на 3, Глас 2.

Стих: Яко у Господа милость, и многое у Него избавление,
и Той избавит Израиля от всех беззаконий его.

Кѣими похвальными венцы/ увязем святителя?/ священства
венѣц, благочестия управлѣние,/ свѣтлое Церкви украшение,
источник Божественных исцелений неисчерпаемый,/ пролитие
дарований духовных,/ реку многих чудес,/ землю Россійскую

веселяща теченьми, // Петра, тёплаго предста́теля на́шего и хра-
ни́теля.

На 2, стих: Хвалите Го́спода всѣ язы́цы, /
похва́лите Егó всѣ лю́дие.

Кѣими похва́льными венцы́/ увязѣм святѣтеля?/ священства
венѣц, благочѣстия управлѣние,/ свѣтлое Цѣркве украшѣние,
источник Божѣственных исцелѣний неисчерпа́емый,/ пролѣтие
дарова́ний духо́вных,/ реку́ мно́гих чудѣс,/ зѣмлю Росси́йскую
веселяща теченьми, // Петра, тёплаго предста́теля на́шего и хра-
ни́теля.

Стих: Яко утверди́ся мѣлость Егó на нас, /
и истина Господня пребыва́ет во вѣк.

Кѣими смире́нными устна́ми воспоѣм святѣтеля?/ дѣвнаго в
чудесѣх и Безплотных сожитѣля,/ освященнаго от пелѣн, столпа́
Цѣркве неподви́жима,/ весѣлие земли́ на́шея,/ правды пра́вило,
сирота́м пита́теля, // оби́димых заступника и больны́х врача́ без-
ме́дна.

Слава, глас 1.

Сла́ва Отцу́, и Сы́ну, и Свято́му Ду́ху.

Божѣственнаго свѣ́ше явлѣния свѣтлостію просветѣвся,
Пѣтре,/ твёрдый умо́м, зако́нов избѣгл еси́ естѣственных,/ якоже
сѣни, благода́тию истинною, всему́дре, окроплѣн;/ отону́дуже,
приятѣлище Пресвята́го Ду́ха быв,/ чудѣс дар восприя́л еси́/ и
обогаща́еши сѣми ча́да твоя́./ И ны́не, с первосвятѣтели пред-
стоя́ Христу́, // моли́ся о душа́х на́ших.

И ныне, глас 1:

И ны́не, и прѣсно, и во вѣки веко́в. Ами́нь.

3 января, предпраздн РХ, святитель Петр Московский

Приимите, ясли,/ Егѡже в купинѣ Моисѣй законоположник
провиде в Хориве,/ ныне раждаема от Дѣвы Духом
Божественным./ Та есть, Яже в законѣ речѣнная,/ Та есть
прорѡческая печать,/ Яже Бѡга плѡтию тлѣнным являючи,
Емѹже поклонимся.

Вечерняя песнь Сыну Божию

Свѣте Тѣхий святѣя славы,/ Безсмѣртнаго, Отца Небѣснаго,
Святѡго Блаженнаго, Иисусе Христѣ./ Пришедше на запад солнца,
видевше свет вечерний,/ поѣм Отца, Сына и Святѡго Духа,
Бѡга./ Достѡин еси во вся времена/ пѣт быти гласы преподѡбны-
ми,/ Сыне Бѡжий, живѡт дай, // темже мир Тя славит.

Диакон: Вѡнмем.

Священник: Мир всем.

Лик: И дѹхови твоемѹ.

Прокимен

В пяток вечера, глас 7:

Диакон: Премѹдрость. Вѡнмем. Прокимен, глас 7.

Бѡже, заступник мой еси Ты, / и мѣлость Твоя предварит мя.

Лик: Бѡже, заступник мой еси Ты, / и мѣлость Твоя предварит
мя.

Диакон: Изми мя от враг моих, Бѡже, и от востающих на мя избави мя.

Лик: Бѡже, заступник мой еси Ты, / и мѣлость Твоя предварит
мя.

Диакон: Бѡже, заступник мой еси Ты

Лик: И мѣлость Твоя предварит мя.

3 января, предпраздн РХ, святитель Петр Московский

В пятницу вечера. Глас 7



Бо - же, За - ступ - ник мой е - си Ты, и ми - лость Тво - я пред - ва - рит мя.

Чтение паремий

Диакон: Премудрость.

Чтец: Притчей чтение

Диакон: Воннем.

Чтец: Память праведнаго с похвалами, / и благословение Господне на главе его. / Блажен человек, иже обрете премудрость, / и смертен, иже уведет разум. / Лучше бо сию куповати, нежели злата и сребра сокровища. / Честнейшая же есть каменей многоценных, / все же честное недостойно ея есть. / Долгота бо дней и лета живота в деснице ея; / в шуйце же ея богатство и слава; / от уст ея исходит правда, / закон же и милость на языке носит. / Послушайте убо мене, о чада! / Честная бо рекы: / и блажен человек, иже пути моя сохранит, / исходи бо мой – исходи живота, / и уготовляется хотение от Господа. / Сего ради молю вас / и предлагаю мой глас сыновом человеческим: / яко аз, Премудрость, устроих совет, / и разум и смысл аз призвах. / Мой совет и утверждение, / мой разум, моя же крепость. / Аз мене любящая люблю, / ищущи же мене обрящут благодать. / Разумеете убо, незлобиви, коварство, / ненаказаннии же, прилагайте сердца. / Послушайте мене и паки, честная бо рекы, / и отверзу от устен правая / яко истине поучится гортань моя, / мерзски же предо мною устны лживыя. / С правдою вси глаголы уст моих, / ничтоже в них стропотно, ниже развращенно. / Вся права суть разумевающим / и проста обретающим разум. / Научаю бо вас истине, / да будет о Господе надежда ваша, / и исполнитесь духа.

Диакон: Премудрость.

Чтец: Премудрости Соломоновы чтение

Диакон: Воннем.

Чтец: Праведник, аще постигнет скончатися, в покои будет. / Осудит же праведник умираяй живущия нечестивыя. / Узрят бо кончину праведнаго и не разумеют, что совещаша о нем; / яко повержет Господь нечестивыя безгласныи, / и поколеблет их от оснований, / и до последнего исчезнут в болезни, / и память их погибнет. / Придут бо в помышление согрешений своих ужасни, / и обличит их сопротив беззакония их. / Тогда станет в дерзновении мнозе праведник пред лицом оскорбивших его / и отметающих труды его. / Видевше же его, смятутся страхом многим / и ужаснутся о преславном спасении его.

3 января, предпраздн РХ, святитель Петр Московский

реку́т бо к себѣ, ка́ющеся,/ и в тесно́те дѹха воздо́хнут и реку́т:/ сей бе, егѡ́же имѣхом не́когда в посме́х/ и в прѣтчу поноше́ния, безѹмнии./ Жити́е егѡ́ вмени́хом неисто́во и кончи́ну егѡ́ безче́стну./ Ка́ко вмени́ся в сынѣх Бѡ́жих,/ и во святы́х жре́бий егѡ́ есть?/ У́бо заблудѣхом от пу́ти исти́ннаго,/ и пра́вды свет не облистá нам,/ и со́лнце не возсия́ нам./ Беззако́нных испо́лнимомся стези́ и поги́бели,/ и ходѣхом стези́ непро́ходны,/ пу́ти же Госпо́дня не разумѣхом.

Диакон: Премѹдрость.

Чтец: Премѹдрости Соломо́новы чтѣние

Диакон: Во́ннем.

Чтец: Уста́ пра́веднаго ка́плиют премѹдрость,/ устне́ же мужей мѹдрых ве́дят благода́ть./ уста́ мѹдрых поучáтся премѹдрости,/ пра́вда же избавляет их от сме́рти./ Сконча́вшуся мѹ́жу пра́ведну, не поги́бнет наде́жда./ Сын бо пра́веден ражда́ется в живѡ́т/ и во благо́их своѣ́х плод пра́вды объ́мет./ Свет пра́ведным всегда́,/ и от Го́спода обря́щут благода́ть и сла́ву./ Язы́к мѹдрых до́брая свесть,/ и в се́рдце их почи́ет мѹдрость./ Люби́т Госпо́дь преподо́бная се́рдца,/ при́яти же е́му вси непоро́чнии в пу́ти./ Мѹдрость Госпо́дня просвещáет лице́ разу́мнаго./ Постига́ет бо жела́ющия ю, пре́жде да́же разумѣти ю,/ и удо́бь ѹ́зрится от лю́бящих ю./ У́тренева́вый к ней не утрудѣ́тся,/ и бдя́й ея́ ра́ди вско́ре без печа́ли бѹдет./ Я́ко досто́йных ея́ сама́ обходит, и́щущи,/ и во стезя́х ея́ явля́ется им благоприѣ́мне./ Мѹдрости никогда́ же одоле́ет зло́ба./ Сих ра́ди и ра́чи́тель бых до́брѡты ея́,/ и возлю́бѣх ю, и поиско́х от ю́ности моея́,/ и взыска́х невесту́ привестѣ́ себѣ,/ я́ко всех Влады́ка возлю́би ю;/ тайни́ца бо есть Бѡ́жия хитро́сти/ и обрета́тельница дел егѡ́./ Труды́ ея́ суть до́бродѣтели,/ цело́мѹдрию же и ра́зуму та учи́т,/ пра́вде и мѹ́жеству,/ и́хже потре́бнее ничто́же есть в жити́и челове́ком./ А́ще же и мно́гаго иску́сства жела́ет кто,/ весть дре́вняя и бы́ти хотя́щая разсмо́трит,/ свесть изви́тия словѣс и разреше́ния гада́ний,/ зна́мения и чудеса́ проразуме́ет/ и сбы́тия вре́мен и лет,/ и всем советникъ есть благ,/ я́ко безсме́ртне есть в ней/ и благосла́вие во общѣ́нии словѣс ея́./ Сего́ ра́ди бесе́довах ко Го́споду, и помолѣ́хся е́му,/ и рех от всего́ се́рдца моего́:/ Бо́же отце́в и Го́споди ми́лости,/ сотвори́вый вся Сло́вом Твоѣ́м/ и мѹдростию Твоѣ́ю устро́ивый челове́ка,/ да владе́ет бѣ́вшими от Тебе́ тварьми́/ и да управляетъ ми́р в преподо́бии и пра́вде,/ даждь ми Твоѣ́х Престо́лов присе́дшую Премѹдрость/ и не отлучи́ мене́ от ѡ́трок Твоѣ́х,/ я́ко аз раб Твой и сын рабы́ни Твоея́./ Посли́ ю с Небе́с от свята́го жили́ща Твоего́/ и от Престо́ла сла́вы Твоея́,/ да сѹщи со мно́ю научи́т мя,/ что благоу́годно есть пред Тобо́ю;/ и наста́вит мя в ра́зум,/ и сохранѣ́т мя в сла́ве своѣ́й./ Помышле́ния бо сме́ртных вся боязлѣ́ва,/ и погреше́тельна умышле́ния их.

Сугубая ектения

3 января, предпраздн РХ, святитель Петр Московский

Диакон: Рцем вси от всея души, и от всего помышления нашего рцем.

Лик: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Лик: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй *(трижды)*.

Священник: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Молитва при наступлении вечера

Лик: Сподоби, Господи, в вечер сей без греха сохранитися нам./
Благословен еси, Господи Боже отец наших,/ и хвально и прославлено имя Твое во веки, аминь./

Буди, Господи, милость Твоя на нас, якоже уповахом на Тя./
Благословен еси, Господи, научи мя оправданием Твоим./
Благословен еси, Владыко, вразуми мя оправданием Твоим./
Благословен еси, Святыи, просвети мя оправданием Твоим./

Господи, милость Твоя во век, дел рук твоих не презри./ Тебе подобает хвала. Тебе подобает пение,/ Тебе слава подобает, Отцу и Сыну и Святому Духу, // ныне и присно и во веки веков.
Аминь.

Ектения просительная

Диакон: Исполним вечернюю молитву нашу Господеву.

Лик: Господи, помилуй.

Диакон: Вечера всего совершенна, свята, мирна и безгрешна у Господа просим.

Лик: Подай, Господи.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

3 января, предпраздн РХ, святитель Петр Московский

Священник: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

Священник: Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

Лик: Аминь.

Стихиры на стиховне

Предпразднство Рождества Христова на 3

Канонарх: Глас 1, Видящи держима

Видящи держима/ руками Своими, Всечистая, Творца,/ вещаше: Чадо Сладкое,/ како Тя Младенца зрю/ и разумети не могу непостижимаго/ Твоего ныне снисхождения?/ Пою державу Твою,/ поклоняюся милосердию Твоему,// егоже ради спасти мир пришел еси.

Стих: Бог от юга придет/ и Святый из горы приосененная чаши.

Явися, воплощаемь/ из Тебе, Мати Неискусобрачная,/ и в вертепе раждаемь,/ и видимь Божественными/ горними чинми Невидимый:/ человека бо прииде избавити от лести змиинья./ Не удивляйся, Всенепорочная, о Рождестве,// естество превосходящем.

Стих: Господи, услышах слух Твой и убояхся,/ Господи, разумех дела Твоя и ужасохся.

Тя, Младенца пресовершенна, зрю,/ в яслех возлежаща,/ не вем же тайны глубини несказанну:/ како и по рождестве нетленна

пребѣхъ,/ закѡны прешѣдши естества?/ Кую ѹбо хвалу Тебѣ при-
несу?/ Како прославлю Тя?// Дѣва Отроковица вещаше.

Слава, глас 8:

Слава Отцу, и Сыну, и Святому Духу

Приидите, вси вернии,/ согласно воспойм Петра всеблаженна-
го,/ благочестия светило,/ воздержания правило,/ терпения
столп, простоты сокровище,/ смирения реку обильную,/ нищих
утешение, странных странноприемника,/ и истинныя любве
Христовы делателя воистинну блаженнаго./ Сей ѹбо жив и, пре-
шед,/ человеком заступник и спаситель показася,/ болезней и
страстей неисцельных врач/ и от всяческих напастей свобо-
дитель,/ и Христа молит спастися душам нашим.

И ныне, глас 8:

и ныне, и присно, и во веки веков. Аминь.

Восприими, Вифлееме, Божию митрополию:/ Свет бо
незаходимый в Тебе родится приходит./ Ангели, удивитесь на
Небеси,/ человецы, прославите на земли,/ волсви, от Персиды
преславный дар принесите,/ пастырие, свиряюще, трисвятое
пение сладце воспойте:// всякое дыханье да хвалит Вседетеля.

Молитва святого Симеона Богоприимца

Лик: Ныне отпускаеши раба Твоего, Владыко,/ по глаголу Твое-
му с миром:/ яко видеста очи мои спасение Твое,/ еже еси уго-
товал пред лицом всех людей,/ свет во откровение языков,// и
славу людей Твоих Израиля.

Чтец: Святыи Боже, Святыи Крепкий, Святыи Безсмертный, помилуй нас
(трижды).

Слава Отцу и Сыну и Святому Духу, и ныне и присно и во веки веков. Аминь.

3 января, предпраздн РХ, святитель Петр Московский

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй (*трижды*).

Слава Отцу и Сыну и Святому Духу, и ныне и присно и во веки веков. Аминь.
Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Лик: Аминь.

Тропари

Тропарь свт. Петра, митрополита Московскаго, глас 4:

Яже прежде неплодная, земле, ныне веселися:/ се бо Христос светильника в тебе показя,/ яве сияюща в мире/ и исцелёвающа недуги и болезни наша./ Сего ради ликуй и веселися со дерзновением:/ святитель бо есть Вышняго,/ сия соделоваяй.

Слава Отцу, и Сыну, и Святому Духу, и ныне, и присно, и во веки веков. Аминь.

Тропарь предпразднства Рождества Христова, глас 4:

Готовися, Вифлееме,/ отверзися всем, Едеме,/ красуйся, Евфрафо,/ яко древо живота в вертепе процвете от Девы:/ рай бо Она чрево явися мысленный,/ в немже Божественный сад,/ от негоже ядше, живи будем,/ не якоже Адам умрем.// Христос раждается прежде падший возставити образ.

Диакон: Премудрость.

Лик: Благословии.

3 января, предпраздн РХ, святитель Петр Московский

Священник: Сый благословѣн Христос Бог наш, всегда, ныне и присно и во веки веков.

Лик: Аминь. Утверди, Боже,/ святую православную веру, православных христиан/ во век века.

Священник: Пресвятая Богородице, спаси нас.

Лик: Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Священник: Слава Тебе, Христе Боже, упование наше, слава Тебе.

Лик: Слава Отцу и Сыну и Святому Духу, и ныне и присно и во веки веков. Аминь. Господи, помилуй *(трижды)*. Благослови. (илиВладыко, благослови)

Священник глаголет Отпуст

Христос Истинный Бог наш, молитвами Пречистой Своей Матере, предстательства честных Небесных Сил Безплотных: святых слavnых и всехвалных Апостол, свт. Николая, архиепископа Мир Ликийских, Чудотворца, прор. Аввакума, святых праведных Богоотцев Иоакима и Анны, и всех святых, помилует и спасет нас, яко Благ и Человеколюбец.

Многолетие

Лик: Великаго господина и отца нашего Кирилла,/ Святѣйшаго Патриарха Московскаго и всея Руси,/ богохранимую страну нашу Россійскую,/ настоятеля, брaтию и прихожан святаго храма сего,/ и вся православныя христианы,/ Господи, сохрани их на многая лета.